

Dr. Meliha Bašić, redovni profesor, predsjednik Komisije
Ekonomski fakultet Univerziteta u Sarajevu
Oblast: Računovodstvo i revizija

Dr. Haris Jahić, vanredni profesor, član Komisije
Ekonomski fakultet Univerziteta u Sarajevu
Oblast: Računovodstvo i revizija

Dr. Ševala Isaković-Kaplan, docent, član Komisije
Ekonomski fakultet Univerziteta u Sarajevu
Oblast: Računovodstvo i revizija

VIJEĆU EKONOMSKOG FAKULTETA UNIVERZITETA U SARAJEVU

Na osnovu člana 106. i 135. Zakona o visokom obrazovanju („Službene novine Kantona Sarajevo“, broj: 33/17), članova 190. i 205. Statuta Univerziteta u Sarajevu, Odluke Senata Univerziteta u Sarajevu broj: 01-12-12/19 od 06. 05. 2019. godine, Odluke Vijeća Ekonomskog fakulteta Univerziteta u Sarajevu od 10. 04. 2019. godine i Rješenja Dekana broj 02-3091/2019 od 11. 06. 2019. godine imenovani smo za članove Komisije za pripremu prijedloga i izvještaja o izboru jednog nastavnika u zvanju docent, puno radno vrijeme, na oblast „Računovodstvo i revizija“. Na predmetni konkurs, koji je objavljen 15. 05. 2019. godine u dnevnom listu „Oslobođenje“ i na web-stranici Ekonomskog fakulteta Univerziteta u Sarajevu prijavilo se dvoje kandidata za zvanje docent:

1. Dr. Hrvoje Šapina,
2. Dr. Benina Veledar.

Prema Potvrdi Službe za pravne i personalne poslove broj 07-6-2821/19 od 31. 05. 2019. godine prijave sa priložima kandidata dr. Hrvoja Šapine i kandidatkinje dr. Benine Veledar su blagovremene i potpune (uredne) sa uslovima utvrđenim konkursom od 15. 05. 2019. godine.

Na osnovu pregleda prijava i priložene dokumentacije, ocjene naučno-istraživačkih radova, pedagoške i profesionalne aktivnosti prijavljenih kandidata, zaključaka sa prvog sastanka Komisije sa Prodekanom za nastavu i međunarodnu saradnju, Rukovodiocem Službe za pravne i personalne poslove i Poslovnim katedarskim rukovodiocem, održanog dana 24.06.2019.godine, te zaključaka sa drugog sastanka Komisije sa Prodekanom za nastavu i međunarodnu saradnju i Rukovodiocem Službe za pravne i personalne poslove, održanog dana 01.07.2019.godine, Komisija podnosi Vijeću Ekonomskog fakulteta Univerziteta u Sarajevu sljedeći

IZVJEŠTAJ

Na raspisani Konkurs za izbor nastavnika za zvanje docent na oblast „Računovodstvo i revizija“ javila su se dva kandidata:

1. Dr. Hrvoje Šapina,
2. Dr. Benina Veledar.

Kandidati su dostavili urednu dokumentaciju i priložili neophodne dokumente. Nakon pregleda dokumentacije i obavljenih neophodnih procedura u tekstu Izvještaja iznosimo najznačajnije informacije koje su poslužile kao osnova za prijedlog koji Komisija upućuje Vijeću Fakulteta.

1. Dr. Hrvoje Šapina

1. 1. Biografski podaci

Kandidat dr Hrvoje Šapina rođen je 01. 06. 1956. godine u Sarajevu, gdje je stekao osnovno i srednje obrazovanje (Ekonomska škola). Na Ekonomskom fakultetu u Sarajevu diplomirao je 02. 07. 1979. godine, a za izvanredan uspjeh na studiju nagrađen je Srebrnom značkom i plaketom Univerziteta u Sarajevu. Postdiplomski studij, smjer "Računovodstvo i revizija", završio je na Ekonomskom fakultetu u Sarajevu, odbranivši magistarski rad "Kvantifikacija obuhvatnosti računovodstvenih standarda FBiH koji definiraju bilansne pozicije " 28. 03. 2001. godine kod mentora prof. dr Janka Klobučara. Doktorsku disertaciju pod naslovom: „Revizorski rizik kod revizije zaliha podložnih tehnološkim gubicima“ uspješno je odbranio 06.05.2009.godine na Ekonomskom fakultetu u Sarajevu kod mentora prof. dr Mehmeda Jahića.

Radnu karijeru kandidat dr Hrvoje Šapina počinje 1979. godine, kao stručni saradnik za plan, analizu i raspodjelu u Hotelsko-turističkoj SOUR „EHOS“, Sarajevo. Potom, u periodu od 1982. do 1986. godine, kandidat je finansijski direktor Hotela „Bristol“ u Sarajevu. U periodu od 1986. do 1995. godine radi kao viši finansijski inspektor u Službi društvenog knjigovodstva BiH, Sarajevo. U HKD "Napredak" Sarajevo se zapošljava 1995.godine, gdje je do 1998.godine bio generalni sekretar, finansijski direktor i direktor projekata. Od 1998. do 2001. godine je direktor privrednog društva za poslovni konsalting „MGH“ d.o.o. Sarajevo. Od 2001. godine do danas je glavni revizor i partner u revizorskoj kući „Auditing“ Sarajevo, a ujedno je od 2006.-2008.godine direktor Odjela za internu reviziju „BH Telecoma“ d.d. Sarajevo. U periodu od 2009.-2013.godina na Ekonomskom fakultetu Univerziteta u Sarajevu radio je u zvanju docent na Katedri za računovodstvo i reviziju.

Kandidat dr Hrvoje Šapina stekao je profesionalna zvanja „Ovlašteni samostalni računovođa“, „Ovlašteni revizor“ i „Ovlašteni interni revizor“. Posjeduje veliko znanje i iskustvo u radu s računarom. Računarom se aktivno koristi od 1984. godine. Ima dobro poznavanje kompjuterske literature i niza kompjuterskih programa (programi MS DOS, DBase, Clipper, Visual basic, MS Office 2000, Photoshop, Quicken, Adobe Acrobat, Adobe Fine Rider... i dr). Govori ruski, a služi se engleskim jezikom.

Od strane Zavoda za računovodstvo i reviziju FBiH, kandidat dr Hrvoje Šapina bio je angažovan kao predavač u edukaciji samostalnih računovođa i ovlaštenih revizora. Angažovan je od strane Ekonomskog fakulteta Sarajevo, kao predavač na edukaciji za certificirane računovođe u 2006. godini na predmetu "Revizija" i na edukaciji za interne revizore u 2006. godini na predmetu "Interna revizija". Također, angažovan je za internu edukaciju u tri međunarodne humanitarne organizacije.

Kandidat dr Hrvoje Šapine je društveno angažovan što se vidi iz sljedećeg: predsjednik je Upravnog odbora Javne ustanove "Kamerni teatar 55, predsjednik je Revizorske komore FBiH i Udruženja revizora FBiH. Bio je glavni sekretar Hrvatskog kulturnog društva "Napredak", predsjednik Nadzornog odbora Narodnog pozorišta Sarajevo, član Kreditnog odbora

Gospodarske banke. Aktivan je u strukovnim udruženjima: član Upravnog odbora Udruženja revizora FBiH, član Odbora za etiku Udruženja internih revizora BiH, zamjenik glavnog urednika časopisa Udruženja revizora FBiH "Revizija URFBiH". Autor je desetina investicionih elaborata, humanitarnih i kulturnih projekata. Urednik je četrnaest knjiga u izdanju HKD "Napredak" i "Libertas" Sarajevo. Kao aktivni član uprave HKD Napredak, organizirao je ili sudjelovao u organizaciji desetina koncerata, festivala, promocija, tribina i slično. Angažovan je kao konsultant USAID za projekat JSDP II (2010-2012.) i USAID projekat pravosuđa 2015-2020. - konsultant za finansijske istrage.

Tokom svog radnog angažmana na Ekonomskom fakultetu Univerziteta u Sarajevu bio je mentor za odbranu dva magistarska rada, 28 diplomskih radova, te član komisija za odbranu magistarskih radova više studenata. Autor je osam univerzitetskih udžbenika i publikacija, šest monografija, osam naučnih i jedanaest stručnih radova u međunarodnim i domaćim publikacijama.

1. 2. Naučno-istraživački i stručni radovi

1.2.1. Doktorska disertacija

Doktorska disertacija „Revizorski rizik kod revizije zaliha podložnih tehnološkim gubicima“ kandidata dr Hrvoja Šapine odgovara na istraživačko pitanje da li primijenjene tehnike vrednovanja zaliha i računovodstvene evidencije kod proizvodnih preduzeća u FBiH omogućavaju da se razgraniči tehnološki gubitak od stvarnog manjka i da li su informacije adekvatne i dovoljne sa aspekta propisa o PDV-u. Na osnovu dobivenih rezultata autor je predložio model računovodstvenog praćenja zaliha koji bi bio korektan s aspekta PDV-a. Izvršio je rangiranje faktora koji utiču na nivo inherentnog rizika i kontrolnog rizika kod revizija specifičnih zaliha koje su podložne tehnološkom gubitku. Konačno ocijenio je primjenjivost standardnih revizijskih modela utvrđivanja i rasporeda značajnosti, na reviziju specifičnih zaliha koje su podložne tehnološkom gubitku. Na ovaj način autor je dao teorijski i praktični doprinos istraživanju i analizi odnosa između tehnika vrednovanja zaliha podložnih tehnološkim gubicima i nivoa revizorskog rizika, odnosno, revizorske značajnosti (materijalnosti). Rezultati istraživanja iz predmetne disertacije od pomoći su menadžmentu proizvodnih preduzeća kod izbora adekvatnih računovodstvenih politika u segmentu vrednovanja zaliha, a također i revizorima kod planiranja revizije zaliha.

1.2.2. Univerzitetski udžbenici i publikacije

Nakon izbora u zvanje:¹

1. Računovodstvo društava za osiguranje (Autori: Haris Jahić, Hrvoje Šapina, Lejla Demirović i Marina Šapina) fakultetski udžbenik, Libertas Sarajevo, 2019, 546 str., UDK: 657:368, COBISS.BH-ID 26910214

2. Budžet i računovodstvo budžeta (Autori: Meliha Bašić, Hrvoje Šapina) fakultetski udžbenik, Službeni list BiH, 2013, 512 str., graf. prikazi; 25 cm; ISBN 978-9958-46-063-0, COBISS.BH-ID 20281350

¹ „Boldirani“ tekst se odnosi na reference nastale nakon izbora u posljednje zvanje.

3. Računovodstvo udruženja i fondacija (Autori: Meliha Bašić, Hrvoje Šapina, Lejla Jahić), fakultetski udžbenik, Udruga Libertas: Bosanski kulturni centar, 2012, 324 str., graf. prikazi; 24 cm; ISBN 978-9958-532-01-6, COBISS.BH-ID 20007942

4. Računovodstvo budžetskih organizacija (Autori: Hrvoje Šapina, Meliha Bašić, Benina Veledar), fakultetski udžbenik, Udruga Libertas: Bosanski kulturni centar, 2012, 508 str., graf. prikazi; 24 cm; ISBN 978-9958-532-00-9, COBISS.BH-ID 20000518

Prije izbora u zvanje:

5. *Računovodstvo finansijskih institucija* (Autori: Prof.dr. Mehmed Jahić, Mr. Hrvoje Šapina, Mr Haris Jahić), fakultetski udžbenik, Libertas Sarajevo, 2008., 346 str; ISBN 978-9958-9167-4-8; UDK 657:[061.5:336(075.8)]; COBISS.BH-ID: 16890886

6. *Finansijsko izvještavanje nevladinih organizacija u FBiH*, Šapina, Hrvoje-autor, Udžbenik, Libertas Sarajevo i IBHI Sarajevo, 2008., 299 str. ISBN - UDK 061.2:657; COBISS.BH-ID: 17037830

7. *Revizorski rizik kod revizije zaliha podložnih tehnološkim gubicima: doktorski rad*, Šapina, Hrvoje – autor, Doktorski rad, mentor prof.dr. Mehmed Jahić, 346 str. UDK: 657.6(658.7), COBISS.BH-ID 512443842

8. *Kvantifikacija obuhvatnosti računovodstvenih standarda FBiH, koji definiraju bilansne pozicije: magistarski rad*, Šapina, Hrvoje – autor, Magistarski rad, mentor prof.dr. Janko Klobučar, 198 str. UDK: 657.2(043.3), COBISS.BH-ID 9637126

1.2.3. Monografije

Prije izbora u zvanje:

1. Sarajevska opera : 1946.-2006., Šapina, Hrvoje – autor, monografska publikacija, 386 str.: ilustr., 29 cm., Ministarstvo kulture i sporta Kantona Sarajevo i Narodno pozorište, Sarajevo 2006; ISBN: 9958-9500-6-5, UDK: 792.54(497.6 Sarajevo)"1946/2006", COBISS.BH-ID: 15348486

2. Narodno pozorište Sarajevo : 1921.-2006, Spomenica Narodnog pozorišta Sarajevo koautori Hrvoje Šapina, Gradimir Gojer, i dr. monografska publikacija, 264 str, Narodno pozorište, Sarajevo, UDK 792(497.6)"1921/2006", COBISS.BH-ID: 349464

3. Arhiv Napretka : analitički inventar, Šapina, Hrvoje – autor, Lovrenović, Krunoslava – autor, Kovačević, Matko - autor , Kristić, Slobodan – autor, Štimac, Vera – autor, monografska publikacija, 1045 str., 25 cm Arhiv Bosne i Hercegovine, HKD Napredak Sarajevo i HKD Napredak Zagreb, Sarajevo 2004. ISBN: 9958-840-18-9, UDK: 930.253/.255:061.234 (497.6=163.42)(083), COBISS.BH-ID: 12916998

4. Napretkova knjižnica u Sarajevu 1928.-2003., Šapina, Hrvoje – autor monografska publikacija, 46 str. : ilustr. , 21 cm, Sarajevo, HKD Napredak, 2003; ISBN: 9958-840-15-4, UDK: 027.2:061.234(497.6=163.42)"1928/2003", COBISS.BH-ID: 12225030

5. Stoljetnica "Napretka", Šapina, Hrvoje – autor, monografska publikacija, 319 str. 30 cm, Hrvatsko kulturno društvo "Napredak", 2002; ISBN: 9958-840-11-1, UDK: 061.234(497.6=163.42), COBISS.BH-ID: 11114246

6. Napredak- desetljeće 1990.-2000., drugo dopunjeno izdanje, Šapina, Hrvoje - autor , monografska publikacija, 315 str. : HKD Napredak, Sarajevo 2001. ISBN 9958-840-09-x; UDK 061.234(497.6=163.42), COBISS.BH-ID 99905158
7. Napredak- desetljeće 1990.-2000., Šapina, Hrvoje - autor , monografska publikacija, 297 str. HKD Napredak, Sarajevo 2000.; UDK 061.234(497.6=163.42), COBISS.BH-ID 9083398

1.2.4. Naučni radovi u časopisima

Nakon izbora u zvanje:²

1. **Praktičan primjer revizorske dokumentacije, Revizija-URFBiH, časopis Udruženja revizora FBiH, br 4 April 2016 , ISSN 1840-0760** Upravno vijeće Revizorske komore FBiH je u junu 2014 godine usvojilo Pravilnik o minimalnom obliku i sadržaju radne dokumentacije obavljanja. Svrha je ovog Pravilnika utvrđivanje općih načela i pružanje odgovarajućih smjernica koje se odnose na dokumentaciju pri reviziji finansijskih izvještaja. Pravilnikom o minimalnom obliku i sadržaju radne dokumentacije obavljanja revizije utvrđen je minimalan oblik i sadržaj radne dokumentacije, Smjernice o primjeni minimalnog oblika i sadržaja radne dokumentacije revizije finansijskih izvještaja kao i programi obavljanje revizije. Na edukaciji za revizore koju je u decembru 2015. godine realizirala Revizorska komora FBiH prezentiran je praktičan primjer popunjavanja propisane minimalne dokumentacije. Ovaj primjer je objavljen i na internetskoj stranici Komore u elektronskom formatu.
2. **Causes of auditor mistakes in published audit reports in Bosnia and Herzegovina, Šapina Hrvoje, Ibrahimagić Sabina, Ekonomska istraživanja, Pula Vol. 24 (2011) No. 4 (164-174) UDK 657.632-051(497.6)** (Social Science Citation Index, Social SciSearch, Journal Citation Reports/Social Science Edition (Web of Science) Thomson Reuters (USA), Cab Abstracts (Wallingford, Uk), EBSCO Publishing Database, Scopus, Geobase (Elsevier, Amsterdam, Netherlands), Cabell's Directory of Publishing Opportunities In Economics & Finance, EconLit (American Economic Association), Abi/Inform Proquest, Index Copernicus International) Autori su realizirali istraživanje u okviru kojeg su identificirane greške u objavljenim revizorskim izvještajima bosanskohercegovačkih nezavisnih revizora, te analizirani uzroci uočenih grešaka.

Prije izbora u zvanje:

3. *75. obljetnice otvaranja Napretkove knjižnice i njena obnova 2003. godine*, Hrvatski narodni godišnjak 1997, HKD Napredak Sarajevo, listopad 2003., ISSN 1512-5904
4. *Prihodi po računovodstvenim standardima FBiH* , Revicon – Porezni savjetnik br 10/2001, oktobra 2003, ISSN 1512-519x
5. *Računovodstveni standard 39 - finansijski instrumenti, priznavanje i vrednovanje*, Revicon – Porezni savjetnik br 1/2003, januara 2003. ISSN 1512-519x

² Radovi relevantni za vrednovanje prilikom izbora u zvanje docenta prema članu 96, stav d, Zakona o visokom obrazovanju („Službene novine Kantona Sarajevo“, br. 33/17) su kratko predstavljeni u predmetnom izvještaju.

6. *Ostvareno načelo svrhovitosti ulaganja*, Hrvatski narodni godišnjak 1997, HKD Napredak Sarajevo prosinca 1996., ISSN 1512-5904

1.2.5.Naučni radovi u zbornicima (kongresi, simpozijumi)

Prije izbora u zvanje:

1. *“Analiza finansijskih izvještaja HKD Napredak od 1906 do 2002. godine”* materijal u Zborniku radova radova, Znanstveni simpozij u povodu 100. obljetnice osnutka HKD Napredak, održan 6. i 7. rujna 2002. u Sarajevu; HKD Napredak Sarajevo, Zagreb, 2007, 631 str. ISBN: 978-9958-840-34-0; DK: 061.234(497.6=163.42)"1902/2002" COBISS.BH-ID : 16203014
2. *Planiranje revizije u BH Telecomu*, Zbornik radova sa VII Međunarodnog simpozija “Reforme u funkciji razvoja”, Neum 25-27 maj 2006, , Revicon Sarajevo, 2006.

1.2.6.Stručni radovi u časopisima

Prije izbora u zvanje:

1. *Procjena aktivnih pozicija prema Paulu Geštneru*, Revizija-URFBiH, časopis Udruženja revizora FBiH, br 3 decembar 2006 , ISSN 1840-0760.
2. *Konstituiranje interne revizije prema Zakonu o javnim poduzećima*, Revizija-URFBiH, časopis Udruženja revizora FBiH, br 3 decembar 2006 , ISSN 1840-0760
3. *Osvrt na prijedlog međunarodnih obrazovnih standarda za stručne računovođe*, Revizija-URFBiH, časopis Udruženja revizora FBiH, br 2 decembar 2005 , ISSN 1840-0760
4. *Računovodstvena reforma-godinu dana poslije*, Revizija-URFBiH, časopis Udruženja revizora FBiH, br 2 decembar 2005 , ISSN 1840-0760
5. *Revizija u susjednim državama*, Revizija-URFBiH, časopis Udruženja revizora FBiH, br 1 juni 2005 , ISSN 1840-0760
6. *Nematerijalna stalna sredstva prema međunarodnim računovodstvenim standardima*, Revizija-URFBiH, časopis Udruženja revizora FBiH, br 1 juni 2005 , ISSN 1840-0760

1.2.7.Stručni radovi u zbornicima

Prije izbora u zvanje:

1. *Interna revizija potraživanja i blagajne*, Materijali za Seminar "Interna revizija i interna kontrola", Zenica, Decembar 2008., Udruženje internih revizora u BiH, Sarajevo, 2008
2. *Interna revizija prema Zakonu o javnim preduzećima*, Materijali za Seminar "Interna revizija i interna kontrola", koautor sa Elvirom Pidro, Brela, maj 2008., Udruženje internih revizora u BiH, Sarajevo, 2008
3. *Interna revizija i interna kontrola -praktični pristup*, Materijali za Seminar "Interna revizija i interna kontrola", Banja Luci 24. i 25.11.2006., Udruženje internih revizora u BiH, Sarajevo, 2006

4. *Humanitarne organizacije i porezni sistem BiH*, Materijal za seminar IRC, 29. aprila 2003., International Rescue Committee BiH, Sarajevo, 2003
5. *Hrvatski narodni godišnjak 2003* (koautor sa R. Marušićem i Lj Lukićem), HKD Napredak, prosinca 2002, ISSN 1512-5904

1.2.8. Projekti

Nakon izbora u zvanje:

1. **Komparativna analiza finansiranja sudova i tužilaštava u Bosni i Hercegovini i zemljama u okruženju, USAID JSDP II, Sarajevo 2011, 246 strana**
2. **Varijante Izmjena zakonskog okvira finansiranja pravosuđa u BiH, USAID JSDP II, Sarajevo 2011, 78 strana**

1. 3. Nastavno – pedagoški rad

Kandidat dr Hrvoje Šapina je na Ekonomskom fakultetu Univerziteta u Sarajevu radio kao nastavnik na Katedri za računovodstvo i reviziju u periodu od 2009. do 2013. godine u zvanju Docent na oblasti Računovodstvo i revizija. U tom periodu dr Hrvoje Šapina je bio zadužen za više predmeta na dodiplomskom i postdiplomskom studiju, od kojih su najznačajniji: Revizija poslovanja, Računovodstvo neprofitnih organizacija, Računovodstvo finansijskih institucija, Revizija javnog sektora, Interna revizija, Revizija učinka. Na osnovu saradnje sa kandidatom od početka njegovog rada na Katedri za računovodstvo i reviziju Ekonomskog fakulteta Univerziteta u Sarajevu, Komisija je utvrdila da dr. Hrvoje Šapina posjeduje sve profesionalne predispozicije za izvođenje nastavnih aktivnosti.

2. Dr. Benina Veledar

2.1. Biografski podaci

Kandidatkinja dr Benina Veledar je rođena 18. 01. 1982. godine u Zenici. Svoje osnovno i srednje obrazovanje završila je u Zenici sa odličnim uspjehom, a u osnovnoj školi je proglašena učenikom generacije. Fakultet je završila u Zenici u sklopu Dislocirane nastave Ekonomskog fakulteta u Sarajevu, smjer Finansijsko-računovodstveni, sa prosjekom ocjena 9,3, te je proglašena studentom generacije 2000 - 2004. godine. Školovanje nastavlja na Postdiplomskom studiju Ekonomskog fakulteta u Sarajevu, smjer Računovodstvo i revizija, koji završava sa prosjekom ocjena 9,4. U februaru 2011. godine kandidatkinja upisuje doktorski studij na Ekonomskom fakultetu Univerziteta u Sarajevu kreiranog u okviru Tempus projekta u saradnji sa Faculty of Economics and Business, University of Vienna i Faculty of Economics, University of Ljubljana, smjer Menadžment/Business, koji završava 21. 06. 2018. godine odbranom doktorske disertacije pod nazivom “Računovodstvene politike modeliranja kod finansiranja budžetskih organizacija“

Nakon završenog dodiplomskog studija pa sve do januara 2011. godine radi kao asistent, a potom kao viši asistent na Ekonomskom fakultetu u Sarajevu na sljedećim predmetima: Računovodstvo, Finansijsko računovodstvo, Troškovno računovodstvo, Upravljačko (Menadžersko) računovodstvo, Računovodstvo neprofitnih organizacija, Finansijsko

izvještavanje, Kontrola i revizija, Teorija i analiza bilansa. U zimskom semestru školske 2006./2007. godine nagrađena je kao najbolje ocijenjeni saradnik na Ekonomskom fakultetu u Sarajevu.

U periodu od 23.08.2017.godine do danas zaposlena je kao rukovodilac Centra za međunarodnu saradnju (CMS) Ekonomskog fakulteta Univerziteta u Sarajevu.

Tokom školske 2007/2008. je bila angažovana kao asistent na predmetu Troškovno računovodstvo na Ekonomskom fakultetu Univerziteta u Zenici. Od školske 2009/2010. je uključena u nastavu na Međunarodnom dodiplomskom studiju u saradnji sa Griffith College Dublin kao asistent na predmetima Management Accounting and Financial Accounting.

Duži niz godina kandidatkinja je angažovana kao predavač na vježbama u okviru obuke za sticanje zvanja Certificirani računovodstveni tehničar i Certificirani računovođa, organizovanoj od strane Ekonomskog fakulteta u Sarajevu, Feb-a i Revicon-a. Bila je predavač na vježbama u okviru projekta „Škola za interne revizore“, organizovanoj od strane Udruženja internih revizora u BiH i Poslovne akademije Ekonomskog fakulteta u Sarajevu, te je učestvovala kao predavač na nekoliko jednodnevnih seminara u sklopu kontinuirane edukacije internih revizora, organizovane od strane Udruženja internih revizora. U januaru 2015.godine bila je predavač u okviru Finansijska akademija za NVO, modul: Računovodstvo udruženja i fondacija i Primjena zakona o javnim nabavkama, Resursni centar, Centar za promociju civilnog društva. U periodu maj-juni 2012. bila je angažovana kao predavač u okviru programa Cjeloživotno učenje administracije Univerziteta u Sarajevu, modul: Primjena propisa iz računovodstva, tema: Primjena Zakona o javnim nabavkama.

Kao član tima ispred Ekonomskog fakulteta u Sarajevu učestvovala u projektu „Analiza trenutne organizacije kantonalnih javnih komunalnih preduzeća sa pokazateljima i analizom stanja organizacione strukture, analizom cijena, trenutnim poslovanjem i dr., sa prijedlogom reorganizacije i optimizacije komunalne privrede sa periodom poslovanja preduzeća od 1996. do danas i podacima o ratnim štetama uključujući i infrastrukturu“, Sarajevo, august 2008. Autor je Analize problematike poslovanja KJKP „Tržnice – Pijace“ doo Sarajevo sa prijedlogom mjera, Sarajevo, oktobar 2008. Kao asistent i konsultant bila je angažovana u Reviziji bosansko-hercegovačkih filmskih distributera provedena od strane Royalty International Limited iz Londona u ime Euroimage-a, Sarajevo –Zenica - Banja Luka, april 2012. Član je u Odbora za reviziju Raiffeisen Bank dd Bosna i Hercegovina od 30.08.2018. do danas.

Kandidatkinja dr Benina Veleđar posjeduje profesionalna zvanja: certificirani računovođa, ovlašteni interni revizor, kao i priznate ispite za sticanje zvanja ovlašteni revizor. Obrazovana je za rad na računarima i aktivno se služi engleskim i njemačkim jezikom.

Napisala je dvadeset naučnih i stručnih radova za časopise, zbornike radova, domaće i međunarodne konferencije, međunarodne simpozije, a neki od njih objavljeni i u prestižnim bazama podataka kao što su: ISI Web of Knowledge, Ebsco Database, ProQuest i sl. Koautor je i jednog univerzitetskog udžbenika.

2.2. Naučno-istraživački i stručni radovi

2.2.1. Doktorska disertacija

Doktorska disertacija „Računovodstvene politike modeliranja kod finansiranja budžetskih organizacija“ kandidatkinje dr Benine Veleđar predstavlja istraživanje aktuelne teme povezane sa pitanjima računovodstvenih politika modeliranja kod finansiranja budžetskih organizacija u BiH. Predmet istraživanja je posebno značajan ako se uzme u obzir da se javna uprava BiH iz dana u dan suočava sa problemima pronalazjenja raspoloživih izvora finansiranja neophodnih za njeno nesmetano funkcionisanje, kao i isporuku kvalitetnih javnih dobara i usluga njenim građanima. Predmetna doktorska disertacija dokazala je da kvalitetan računovodstveni sistem, utemeljen na akrualnoj osnovi i Međunarodnim računovodstvenim standardima za javni sektor, sa pravom kombinacijom alata troškovnog i menadžerskog računovodstva, umnogome može doprinijeti reformi javne uprave i približavanju evropskim integracijama. Naučni doprinos doktorske disertacije se očituje i kroz razvoj računovodstvenog modela za unapređenje upravljanja javnim rashodima. Navedeni model može poslužiti kao praktični vodič kroz korake koje je potrebno preduzeti kako bi se obezbijedila kvalitetna informacijska podloga za donošenje poslovnih odluka, unaprijedila transparentnost i odgovornost, omogućilo efektivno i efikasno trošenje javnog novca, te obezbijedile kvalitetne javne usluge građanima BiH.

2.2.2. Univerzitetski udžbenici i publikacije

*Nakon izbora u zvanje:*³

1. Šapina, Hrvoje, Bašić, Meliha, Veleđar, Benina: **Računovodstvo budžetskih organizacija**. Sarajevo: Udruga Libertas Sarajevo i BKC Sarajevo, 2012, ISBN 978-9958-532-00-9

2.2.3. Naučni radovi u časopisima

*Nakon izbora u zvanje:*⁴

1. Veleđar, Benina, Veleđar, Adnan: **Innovation Activities in Companies in the Federation of Bosnia and Herzegovina**. *International Journal of Management Science and Business Administration*, 2015, Vol. 1, Iss: 5, pp. 51-68. ISSN 1849-5419; e - ISSN 1849-5664 (Online) (DOI: 10.18775/ijmsba.1849-5664-5419.2014.15.1005; URL: <http://dx.doi.org/10.18775/ijmsba.1849-5664-5419.2014.15.1005>) Cilj istraživanja predmetnog rada jeste obezbijediti informacije o provođenju aktivnosti inovacija u preduzećima u FBiH. Za tu svrhu autori su koristili i kvalitativne i kvantitativne metode istraživanja. Kvalitativnom analizom zakonodavstva u polju inovacija sagledali su stav vlade prema procesima inovacija. Kvantitativna istraživanja pokazala su da mali broj preduzeća kontinuirano predstavlja nove proizvode/usluge. Obavljena kvalitativna istraživanja pokazala je da je uloga vlade u promoviranju i razvoju konkurentskih prednosti, poput znanja i inovacija, u FBiH marginalizirana.

³ „Boldirani“ tekst se odnosi na reference nastale nakon izbora u posljednje zvanje.

⁴ Radovi relevantni za vrednovanje prilikom izbora u zvanje docenta prema članu 96, stav d, Zakona o visokom obrazovanju („Službene novine Kantona Sarajevo“, br. 33/17) su kratko predstavljeni u predmetnom izvještaju.

2. **Veledar, Benina, Bašić, Meliha, Kapić, Jadranka: Performance Measurement in Public Sector of Transition Countries. Business Systems Research, 2014, Vol. 5, Iss: 2, pp. 72-83. DOI: 10.2478/bsrj-2014-0011; ISSN: 1847 – 8344; e – ISSN: 1847 – 9375** (Clarivate Analytics - Web of Science - Emerging Sources Citation Index (ESCI-WoS), CNKI Scholar Elsevier – SCOPUS) U predmetnom radu autori su istraživali da li postoji zakonski uspostavljen sistem mjerenja performansi u javnom sektoru FBiH te koje uzroke i posljedice reflektira njegovo odsustvo. Također, autori su istražili da li postoji dobrovoljno uspostavljen sistem mjerenja performansi u okviru korisnika budžeta u FBiH, s jedne strane, te u javnim kompanijama Kantona Sarajevo, s druge strane. Istraživačka hipoteza glasi da stepen mjerenja i izvještavanja o performansama u javnom sektoru u FBiH ima direktan utjecaj na operativne rezultate prikazane u finansijskim izjavama.

3. **Bašić, Meliha, Veledar, Benina: Evolution of management accounting: A reserch note in Bosnia and Herzegovina. Technics Technologies Education Management. 2011, Vol. 6 Iss: 4, pp. 985-997, ISSN: 857-1356** (WorldCat, Academic Resource Index, Essci, ScienceDirect, ResearchGate, SJR, ISI) U predmetnom radu autori su opisali operacionalizaciju IFAC-ovog koncepta evolucije menadžerskog računovodstva u BiH. Prezentirani model ima potencijal za replikacije u drugim kontekstima. Autori prezentiraju u radu da je menadžersko računovodstvo u BiH na početku evolucije, te zagovaraju tezu afirmacije istog kroz akademske radove i udžbenike. Očekivanja autora su da bi provedbom navedenih konceptata BH kompanije mogle obezbjeđivati pouzdane i relevantne informacije za potrebe kvalitetnog poslovnog odlučivanja i boljeg upravljanja oskudnim resursima, posebno u kontekstu globalne recesije.

2.2.4. Naučni radovi u zbornicima (kongresi, simpozijumi)

Nakon izbora u zvanje:

1. **Veledar, Benina - The Role of Accounting in the Prevention of Corruption: Perception of Experts from Bosnia and Herzegovina. U: conference proceedings: ENTerprise Research InNOVation Conference ENTRENOVA 2015. September 10-11. 2015; Kotor.** Autor u radu ukazuje na problem korupcije u javnom sektoru s kojim se skoro sve zemlje na svijetu suočavaju, u većoj ili manjem smislu. Prema Indeksu percepcije o korupciji, Bosna i Hercegovina je prešla sa 72. pozicije u 2013.godini do 80. pozicije u 2014.godini, sa skorom koji vodi blizu zona s visokim nivoom korupcije. Zbog činjenice da korupcija u javnom sektoru obeshrabruje inovacije i poduzetništvo, te stoga ostavlja krajnje štetne efekte na cjelokupnu ekonomiju zemlje, na kraju 2013.godine istraživanje je obavljeno na uzorku 208 javnih zvaničnika i eksperata u poljima računovodstva i revizije. Rezultati istraživanja pokazuju da provedba programa budžetiranja i računovodstva odgovornosti, putem efikasne podjele oskudnih budžetskih resursa između programa i uspostava javne odgovornosti, može pomoći borbi protiv korupcija, unaprjeđuje poslovnu klimu i inovacije, te time doprinosi razvoju cijele zemlje.

2. **Veledar, Benina, Veledar Adnan - Innovation activities in companies in FB&H. U: conference proceedings: International Conference of the Faculty of Economics Sarajevo ICES 2014. October 13-14. 2014; Sarajevo: Faculty of Economics, 2014. str. 54. ISBN 978-9958-25-093-4; URL: <http://www.efsa.unsa.ba/ices> (30. Decembar 2014.)** Autori rada ukazuju da u današnjoj dinamičnoj okolini, inovacija bi trebala biti osnova svake uspješne poslovne prakse kompanije. U fokusu rada je istraživanje da li postoji saradnja između relevantnih interesnih strana u vezi provedbe procesa inovacija, i da li

postoji statistička evidencija o inovativnim aktivnostima u preduzećima u FBiH. Radna hipoteza je vlasti u FBiH imaju marginalnu ulogu u podsticanju razvoja i provedbe inovacija i statističke evidencije poslovnih procesa inovacija, što rezultira nedostatkom aktivnosti inovacija u kompanije u FBiH i ima negativan utjecaj na njihove performanse. Rad nudi i preporuke za unaprjeđivanje aktivnosti u preduzećima koristeći potencijal inovacija.

3. **Bašić, Meliha, Veledar, Benina - Impact of financial crises on company's financial performance in Bosnia and Herzegovina. U: Beyond the Economic Crises: Lessons Learned and Challenges Ahead: conference proceedings: International Conference of the Faculty of Economics Sarajevo ICES 2012. October 12-13. 2012; Sarajevo: Faculty of Economics, 2012. Str. 583-591. ISBN 978-9958-25-077-4; URL: <http://www.efsa.unsa.ba/ices> (30. Decembar 2012.)** Autori rada za cilj istraživanja postavili su analizu uticaja finansijskih kriza na finansijsku uspješnost kompanije u Bosni i Hercegovini. Tekuća globalna finansijska kriza stavila je niz zemalja u recesiju i duboko se umiješala finansijske performanse kompanija. Kako bi kvantificirali obim uticaja finansijske krize, autori su analizirali finansijske izvještaje najvećih kompanija koje kotiraju na Sarajevskoj berzi. Rezultati ukazuju da finansijska kriza ima značajne efekte po pitanju performansi kompanija. Kvalitativni pregled finansijskih izvještaja je ukazao na nedostatak objavljivanja i bilješki u okviru finansijskih izvještaja posmatranih kompanija.
4. **Bašić, Meliha, Veledar, Benina - Analiza uzroka i posljedica izostanka mjerenja uspješnosti u javnom sektoru Bosne i Hercegovine. U: Računovodstvo i menadžment: zbornik radova: Dvanaesta međunarodna naučna i stručna konferencija. Juni 2011; Split – Zagreb: Hrvatski računovođa, 2011. str. 115-138. ISBN 978-953-96838-9-2** Autori u ovom radu ukazuju da u razvijenim zemljama pokazatelji uspješnosti javnog sektora koriste se, između ostalog, i kao instrument vrednovanja kvaliteta i efikasnosti njihovog rada. Oni su ili zakonom zadata obaveza koja se ispunjava u vidu izvještaja dodatih uz finansijske izvještaje ili su predmet obaveznog posebnog izvještavanja prema korisnicima i finansijerima i ujedno sastavni dio nadzora odnosno kontrole i revizije u ovom sektoru. To je manje-više uobičajena praksa u većini zemalja EU. Ipak, bez obzira na općepriznatu važnost i korisnost mjerenja uspješnosti u javnom sektoru, ona nije uopšte ili nije na adekvatan i dovoljan način zastupljena u BiH. Autori rada ukazuju da bi uvođenje ove obaveze u javnom sektoru BiH (osim što bi ubrzalo put BiH ka EU, jer je to jedna od obaveza koju treba ispuniti na putu pridruživanja) uticalo bi pozitivno i na razvoj civilnog društva uopšte, te na smanjenje i sprečavanje korupcije (što je pošast zemalja u tranziciji kojim i BiH pripada).
5. **Veledar, Benina: Mjerenje učinka u funkciji izvještavanja u internoj reviziji: Dvadeseti međunarodni simpozij Udruženja računovođa i revizora FBiH, (Neum). 2017; 519-526** Autor kroz rad ukazuje na problem da većina internih revizora zbog prirode posla koji obavljaju vrlo često imaju problem sa negativnim imidžom koji ih prati unutar njihovih organizacija. Zbog toga je veoma bitno pronaći odgovarajući model izvještavanja i komunikacije sa stejkholderima, koji će upravi i ostalim zaposlenim pokazati kako rad interne revizije doprinosi unapređenju rada cjelokupne organizacije. U tom smislu je neophodno obezbijediti egzaktno podatke o efektima rada interne revizije, kao i nezavisnu potvrdu da je taj rad u skladu sa međunarodno priznatim standardima i principima interne revizije. To pojednostavljeno znači da interna revizija treba uspostaviti sistem kontinuiranog mjerenja učinka, te obezbijediti povremenu eksternu procjenu svog rada, a sve u cilju informisanja stejkholdera o pokazateljima svog učinka.

6. **Veledar, Benina: Klasifikacija i računovodstvo najmova prema MSFI 16: Osamnaesti međunarodni simpozij d.o.o.Revicon, (Neum). 2017; 301-318** Kroz predmetni rad autor prezentira osnovne činjenice o MRS-u 17 – Najmovi koji je izdat davne 1982. godine i predstavlja prvi standard u kome je primijenjeno načelo ‘suština iznad forme’, kao i mjerenje na bazi ‘sadašnje vrijednosti’. Budući da je tokom narednih 27 godina dolazilo do povremenih dopuna MRS-a 17, njegova suština je ipak ostala nepromijenjena, što je u kontekstu savremenih uslova poslovanja postalo zastarjelo. Zbog toga je IASB 2016. godine izdao potpuno novi MSFI 16- Najmovi nakon gotovo devet godina tranzicijskog procesa. Kroz ovaj rad autor upoznaje čitaoce sa najznačajnijim promjenama koje donosi MSFI 16.
7. **Bašić Meliha, Veledar, Benina: Novi MSFI I MRS sa posebnim osvrtom na MSFI 13 – Mjerenje fer vrijednosti: Devetnaesti međunarodni simpozij Udruženja računovođa i revizora FBiH, (Neum). 2016; 133-151; ISSN: 2303-8500; CIP: Nacionalna univerzitetska biblioteka BiH, Sarajevo.** Autori kroz predmetni rad uzakuju na probleme presporog i nedovoljnog ažuriranja MSFI-ova u BiH. Direktne posljedice navedenog stanja su brojne, a sve se mogu, prije svega, svesti na nerazumijevanje finansijskih izvještaja na međunarodnom planu, čime se gubi i osnovna zadaća primjene MRS i MSFI. Budući da se objavljivanja i primjena nove verzije MRS i MSFI očekivala u narednom periodu, obzirom da je Savez računovođa, revizora i finansijskih djelatnika u FBiH tražio i dobio saglasnost za autorizaciju prevoda datih MRS i MSFI, zaključno sa 31.12.2016., autori su smatrali primjerenim i aktuelnim, da daju osnovni pregled izmjena i dopuna MRS i MSFI, te posebno detaljnije sagledali „Nove MRS i MSFI“ u periodu od 2009. do 2015. godine.
8. **Veledar, Benina: Zadaci reforme javne uprave - računovodstveni aspekt: Petnaesti međunarodni simpozij Udruženja računovođa i revizora FBiH, (Neum). 2012; 773-782** Predmetni rad ukazuje da u tranzicijskim zemljama poput FBiH, uvođenje ekonomskih zakonitosti i pravila dobrog upravljanja raspoloživim resursima predstavlja najvažniji i najteži izazov u reformi menadžmenta javnog sektora. Poboljšanja u javnoj upravi predstavljaju i jedan od ključnih faktora za uspješan proces pridruživanja Evropskim integracijama, gdje javna uprava treba da funkcioniše u skladu sa principima profesionalnosti, odgovornosti, političke neutralnosti, efikasnosti i efektivnosti, kako bi zemlja mogla preuzeti obaveze članstva. Pretjerana potrošnja i kompleksnost javne uprave odbijaju privatna ulaganja, usporavaju razvoj zemlje i obezvređuju napore u borbi za smanjenje siromaštva. Javna uprava u BiH je veoma razučena i velika u poređenju sa ostalim zemljama Zapadnog Balkana. Javni rashodi se u ukupnoj masi raspoređuju, između ostalog, na: kompenzacije državnih službenika, korištenje roba i usluga, socijalna davanja i kapitalne rashode. Od navedenih kategorija samo kapitalni rashodi stvaraju osnovicu za budući privredni rast i razvoj zemlje. Obzirom da se radi o relativno malom iznosu sredstava namijenjenih razvoju, jako je bitno da se osigura da ona budu usmjerena na prave programe i da njihova potrošnja bude transparentna, efikasna i efektivna, te da direktno ili indirektno poboljša kvalitet pruženih javnih usluga i standard građana.
9. **Veledar, Benina: Računovodstvo u funkciji održivog razvoja: Četrnaesti međunarodni simpozij Udruženja računovođa i revizora FBiH, (Neum). 2011; 173-181; ISBN: 978-9958-705-05-2; CIP: Nacionalna univerzitetska biblioteka BiH, Sarajevo** Cilj ovog rada je pokazati kako održivi razvoj utiče na računovodstvenu profesiju, te definisati na koji način računovodstvo može doprinijeti održivom razvoju. Osnovna funkcija računovodstva je da informiše menadžment i vlasnike organizacije o vrijednosti imovine i obaveza, ali i da pruži informacije o gotovini i tokovima svih ostalih resursa. Ukratko, ono pruža informacije o finansijskom zdravlju organizacije. Međutim, zdravlje organizacije se ne može više

posmatrati samo kroz finansijske pokazatelje i zato računovodstvo mora da se prilagođava. Potrebno je, dakle, da organizacija „računa“ sa svim što utiče na vrednovanje i/ili tokove njene imovine i obaveza, a to mogu biti i klimatske promjene, korištenje oskudnih izvora vode i drugih vidova energije i sl. Kao rezultat svega toga, postaje naročito važno da računovodstvo zauzme pravu ulogu u mjerenju i izvještavanju o pomenutim fenomenima i nefinansijskim koristima i rizicima kojima oni izlažu organizaciju i društvo u cjelini.

Prije izbora u zvanje:

10. Jahić, Haris, Veledar, Benina: Mogućnost primjene Međunarodnih računovodstvenih standarda javnog sektora u FBiH. Zbornik radova Ekonomskog fakulteta u Sarajevu (Sarajevo). 2010; 30: 390-410; ISSN: 1986-5473
11. Bašić, Meliha, Isaković – Kaplan, Ševala, Veledar, Benina - Problems of Using IFRS and IAS in Bosnia and Herzegovina – Focusing on Impact Accounting Policies on Quality of Financial Reporting. U: Transitional Challenges of EU Integration and Globalization: conference proceedings: International Conference of the Faculty of Economics Sarajevo ICES 2008. October 9-10. 2008; Sarajevo: Faculty of Economics, 2008. str 8. ISBN 978-9958-25-015-6; URL: <http://www.efsa.unsa.ba/ices> (30. Decembar 2008.)
12. Veledar Benina: Računovodstvena i revizijska praksa u javnom sektoru FBiH:Trinaesti međunarodni simpozij Udruženja računovođa i revizora FBiH, (Neum). 2010; 513-530
13. Veledar Benina: Izazovi javnog sektora posmatrani u svjetlu savremenih tokova u računovodstvu na primjeru komunalnih preduzeća Kantona Sarajevo: Dvanaesti međunarodni simpozij Udruženja računovođa i revizora FBiH, (Neum). 2009; 383-396
14. Veledar Benina: Analiza finansijskog položaja preduzeća sa aspekta likvidnosti: Jedanaesti međunarodni simpozij Udruženja računovođa i revizora FBiH, (Neum). 2008; 459-468

2.2.5.Stručni radovi u zbornicima

Nakon izbora u zvanje:

1. **Veledar, Benina: Sistemi internih kontrola, interna i eksterna revizija kao instrumenti za borbu protiv netransparentnosti u javnom sektoru: Zbornik radova „Interni revizor“ Akademske-strukovnog udruženja internih revizora. (Sarajevo). 2018; 1: 136-155; ISSN: 2566-4379**
2. **Jahić, Haris, Isaković-Kaplan, Ševala, Veledar, Benina: Informacijske potrebe korisnika konsolidovanih finansijskih izvještaja. Sarajevo Business and Economics Review (Sarajevo). 2012; 32:241-264; ISSN: 1986-5473**

Prije izbora u zvanje:

1. Veledar, Benina, Isaković-Kaplan, Ševala: Sveobuhvatni pristup analizi likvidnosti. Zbornik radova Ekonomskog fakulteta u Sarajevu. (Sarajevo). 2008; 28:557-568; ISSN: 0581-7439

2.2.6. Projekti

Nakon izbora u zvanje:

1. **Revizija bosansko-hercegovačkih filmskih distributera provedena od strane Royalty International Limited iz Londona u ime Euroimage-a**, Sarajevo –Zenica - Banja Luka, april 2012. – asistent i konsultant

Prije izbora u zvanje:

2. Analiza problematike poslovanja KJKP „Tržnice – Pijace“ doo Sarajevo sa prijedlogom mjera, Sarajevo, oktobar 2008. – autor
3. Analiza trenutne organizacije kantonalnih javnih komunalnih preduzeća sa pokazateljima i analizom stanja organizacione strukture, analizom cijena, trenutnim poslovanjem i dr., sa prijedlogom reorganizacije i optimizacije komunalne privrede sa periodom poslovanja preduzeća od 1996. do danas i podacima o ratnim štetama uključujući i infrastrukturu, Ekonomski institut Sarajevo, august 2008. – dio tima

2. 3. Nastavno – pedagoški rad

Kandidatkinja dr Benina Veledar je na Ekonomskom fakultetu Univerziteta u Sarajevu izvodila vježbe iz više predmeta u periodu od 2004-2017. kao što su: Računovodstvo, Finansijsko računovodstvo, Troškovno računovodstvo, Upravljačko (Menadžersko) računovodstvo, Računovodstvo neprofitnih organizacija, Finansijsko izvještavanje, Kontrola i revizija, Teorija i analiza bilansa, a na Međunarodnom dodiplomskom studiju u saradnji sa Griffith College Dublin vježbe iz predmeta Management Accounting and Financial Accounting. Na osnovu saradnje sa kandidatkinjom od početka njenog rada na Katedri za računovodstvo i reviziju Ekonomskog fakulteta Univerziteta u Sarajevu, Komisija je utvrdila da dr. Benina Veledar posjeduje sve profesionalne predispozicije za izvođenje nastavnih aktivnosti.

3. Zaključak i prijedlog Komisije

Na osnovu pregleda prijava i priložene dokumentacije, ocjene naučno-istraživačkih radova, pedagoške i profesionalne aktivnosti prijavljenih kandidata, zaključaka sa dva sastanka Komisije sa Prodekanom za nastavu i međunarodnu saradnju, Rukovodiocem Službe za pravne i personalne poslove i Poslovnim katedarskim rukovodiocem, Komisija konstatuje da oba kandidata koja su se prijavila na Konkurs za izbor nastavnika na oblast Računovodstvo i revizija dr. Hrvoje Šapina i dr. Benina Veledar posjeduju naučni stepen doktora ekonomskih nauka. Oba kandidata imaju dugogodišnji uspješan nastavno-pedagoški rad na Ekonomskom fakultetu Univerziteta u Sarajevu u oblasti Računovodstvo i revizija. Oba kandidata imaju respektabilno profesionalno iskustvo iz područja računovodstva i revizije. Međutim kandidat dr. Hrvoje Šapina ne ispunjava uslove iz članova 96 i 102, Zakona o visokom obrazovanju („Službene novine Kantona Sarajevo“, br. 33/17) u dijelu obaveze postojanja najmanje tri naučna rada objavljena u priznatim publikacijama koje se nalaze u relevantnim naučnim bazama podataka u periodu od zadnjeg izbora u zvanje.

Stoga, na osnovu uvida u dostavljenu dokumentaciju kandidatkinje dr. Benine Veledar i prezentiranih podataka, Komisija konstatuje sljedeće:

- Kandidatkinja dr. Benina Veledar ima naučni stepen doktora ekonomskih nauka iz oblasti Menadžmenta. Uz to, kandidatkinja se tokom cijelog svog dodiplomskog, postdiplomskog i doktorskog studija usavršavala iz naučne oblasti Računovodstvo i revizija.
- Kandidatkinja dr. Benina Veledar ima dugogodišnje, uspješno nastavno iskustvo na Ekonomskom fakultetu Univerziteta u Sarajevu u oblasti Računovodstvo i revizija. Na Ekonomskom fakultetu Univerziteta u Sarajevu je od 2004.-2011. godine bila zaposlena kao asistent, a od 2011.-2017. godine kao viši asistent na Katedri za računovodstvo i reviziju.
- Kao autor i koautor, dr. Benina Veledar je objavila jednu knjigu, jedan naučni članak u indeksiranom časopisu, dva naučna rada u indeksiranim časopisima, šest naučnih radova u zbornicima sa domaćih i međunarodnih konferencija, osam radova u zbornicima sa međunarodnih simpozija i tri stručna rada objavljena u zbornicima radova.
- Rezultati dr. Benine Veledar u njenom dosadašnjem radu na Ekonomskom fakultetu Univerziteta u Sarajevu ukazuju na njene izražene predavačke i istraživačke potencijale.
- Kandidatkinja dr. Benina Veledar ispunjava sve uslove predviđene Zakonom o visokom obrazovanju Kantona Sarajevo, Statutom Univerziteta u Sarajevu i Pravilima Ekonomskog fakulteta Univerziteta u Sarajevu za izbor u nastavničko zvanje docent na oblast Računovodstvo i revizija.

Na osnovu prethodno iznesenog, Komisija predlaže Vijeću Ekonomskog fakulteta Univerziteta u Sarajevu da

DR. BENINU VELEDAR

izabere u zvanje DOCENT na oblast „RAČUNOVODSTVO I REVIZIJA“, puno radno vrijeme.

Sarajevo, 02. 07. 2019. godine.

Komisija:

Prof. dr Meliha Bašić, predsjednik

Prof. dr Haris Jahić, član

Doc. dr Ševala Isaković-Kaplan, član